



تبریزی

اسماعیل جمیلی

Tabrizli Saib
Ismail Djamili

۲۳۶۵
۳

تبریزی صائب

(سچیلیمیش بیتر)

چنورمن :

اسماعیل جمیلی

شیر

صائب، محمد علی، ۱۰۱۶ - ۱۰۸۶ ق.
[دیوان، ترکی - فارسی، برگزیده]
صائب (سئچیلیمیش بیتلر) / چئویرمن اسماعیل
جمیلی، تیریز: اختر، ۱۳۸۱.
۶۴ ص

فهرست نویسی بر اساس اطلاعات فیبا.
عنوان دیگر: صائب (تبریزی محمد علی صائب).
سئچیلیمیش بیتلر.
۱. شعر فارسی -- قرن ۱۱ ق. -- ترجمه شده به ترکی.
۲. شعر ترکی -- قرن ۱۱ ق. -- ترجمه شده از فارسی.
الف. جمیلی، اسماعیل، ۱۳۳۵.
مترجم. ب. عنوان. ج. عنوان: صائب (تبریزی محمد علی
صائب)، سئچیلیمیش بیتلر.

۸۱/۴

PIR۶۳۷۶/۱۳۵

۱۳۸۰

۸۰-۲۵۷۸۳

کتابخانه ملی ایران



تبریزی صائب (تبریزی محمد علی صائب، سئچیلیمیش بیتلر)
مترجم: اسماعیل جمیلی
مقدمه: محمد علی فرزانه
لیتوگرافی ترسیم / چاپ اول / ۱۳۸۱
۱۳۰۰ جلد / رقعی / ۶۴ صفحه / ۶۰۰ تومان

اؤن سؤز

اسماعیل جمیلی - شعرو ادب دونیامیزدا چیچکله نن آل - الوان داوو -
دیلر (قیرزانتیملر) دن. بؤیوک سؤز استادیمیز "حبیب ساھر"، منه معلم
اولموشدور. من اونا ایلک دفعه شعرلرینی ائشیدندن سونرا قیرزانتیم آدی
وئرمیشدیم.

شعرینده تجدد لیریزیمنی نین ایلک بویالاری ایشاران شاعر، ایلک
دفعه ایرانا قاییداندان سونرا اونون شعرینده اولان دؤنه - دؤنه درین لئمیش
اندراک و دویغولاری تأثیریندن چیخاریب خلق اوغروندا، یورد اوغروندا،
عدالت و آزادلیق اوغروندا دؤیوشکن سلاحا چئویردی و بئله لیکله ده او،
معاصر آذربایجان شعرینین سیمالاریندان بیر اولدو.....

صؤجت اسماعیل جمیلی دن گئده جاقدی. اونون اؤزونو ایراندا بئله
گؤرمه میشدیم. لاکن اونون تبریز دیالوگوندا تمیز دانیشدیغینی ائشیتیمیش
دیم. بئش ایل اول آلمانا ایلک فرهنگی سفریمده اونون ایکی قطعه شعرینی
دینله دیم. او سانلی لیریک شاعرلریمیزدن اولموش، طنز شعرینده غنی
ارتمیزدن پای آپارمیش، کلاسیک ادبیاتیمیزلا آشنالیق قاتمیش و اونلارین

ھاميساندان داھا اۋنملی (مئس - مئديا/ توپلوم بيلگيلر) ده اوستون بيليك قازانميش و آذربايجان مدنيتى خصوصدا درين معلوماتا يئيه لنميش دير. سوروشدوم : ايندى حارادا ياشايرسان ؟ دئدى : دانماركدا، دئديم : نه عجب ! بورداسان ؟ چوخ صميمى و ارکئويون دئدى : گلديم سىزى گوروم اۋزومده غرور دويدوم.

حله نسلیمیز صداقتینی قوروپور. حله اورکلرده اولان معنوی باغلی لیغی اییه - ساپا دوزمک اولور. بو معنوی باغلی لیت بیزی و وارلیغیمیزی قورویاجاق، بیزیم زمانین ضربه لری آلتیندا ازیمیش قول - قانادیمیزا شفا اولاجاق، بیزی یئنه انگین افکلرده قاناد چالماغا سوق انده جکدیر. او، اوتانا اوتانا شعرلریندن اوخودو و اونلاردان یعنی هم لیریک شعرلریندن و هم ده صائب تبریزی دن آذری توكجه سیننه چئویردیگی تک بیت لردن منه نمونه لر و اؤرنکلر وئردی. بوندان علاوه، او بوگونکو مطبوعاتدا چیخان پارچالار دان آد چکدی و منی اۋز بدیعی یارادیجیلیغی ایله بیرآز ده یاخینلاشدیردی جمیلی نین لیریک شعریندن بو نمونه لر آراسیندا درین معنالی، بیچیم لی شعرلر وار. اونون لیریک شعرلری بیزیم جنوبی آذربایجاندا بوی آتان یاسمین رایحه سینى داشیییر. سؤز قورولوشو، تشبیه لر، استعاره لر و کنایه لر یئرلی یئرینده ترنوم ائدیلیلر. شعرلرین فلسفی - اجتماعی آنلامی بعضاً اونون بدیعی لیگینی اؤرتور. شعرین دیلی بعضاً کلاسیک شعریمیزین

مینیاتورلارینی گؤز اۋنونه گتیریر و بعضاً ده اونلاری تاریخی دوغولاریمیز، آرزولاریمیز، احساسلاریمیز، کدرلریمیز ایله سولاییر. " سؤز " عنوانلی شعرده اولان افاده لر آدمی فضولی دیارینا، فضولی معبدینه آپاریر و اورادا سؤزله یئنی بیر باغلانتییا یول آچیر :

سؤز

سؤز وارکی سؤیله نر آنجاق سؤز اولسون

سؤز وارکی، سؤیله نر یولا ایز اولسون.

سؤز وارکی نور ساچار قارانلیقلارا،

سؤز وارکی، کوی سالار اورتا توز اولسون.

سؤز وارکی بسله یر چیچک تیکاندان،

سؤز وارکی، دیره نر ایپک بئز اولسون.

سؤز وارکی غم قالار اسکی غم اوسته،

سؤز وارکی، سسله نر گولن اوز اولسون.....

ایلیک باهار ۹۹ کپنهاک

اوزو گولرلیک، انسان سئورلیک، زحمته حؤرمت، یورد قایغیسی، تورپاق قایغیسی، ائل قایغیسی، دیل قایغیسی، آزادلیق و شرفه سایغی شعره ملاححت و عزت قازاندیریر. اوزو گولرلیک، آرزویا قول - قاناد وئرمک و عؤمرو اؤزباشینا بوراخماماق شاعرین اولگوسو و دنیا گؤروشو دور :

باریشیق

بیرگون یاشانیری، وار اولان حیات

بوراخ دونن اولان دوننده قالسین.

یاشات سئوینجینی غمی - دردی آت

آرزو اومودلانیب قول - قاناد آچسین.

گلیب، گئدرگی دیر ساییلی گونلر

دگمز کؤلگه سالا کؤنلونه کدر.

بیرگون گؤررسن کی، سونودور یولون

عؤمرو اؤزباشینا بوراخسا اگر.

ياز - ۹۹

گؤز شعرینده چاغلایان آلتیراسیون واله اندیجی دیر. بدیعیلیک بویا

لارین جالارینی جانلاندیریر، گؤز تکجه باخماغا یوخ، هم ده اونو دیل

اچیب قونوشماغا بئله چاغیریر.

گؤزه لیم گؤزله گیلن گؤزلرینه وورمایا گؤز

یوخسا، گؤز - گؤز اندیر اغیار اونو گؤرجک وورا گؤز.

سن گؤز آلتی گؤزون اولسون کی، گؤزونله گؤره سن،

چونخلاری گؤزلورو بیرگون منی گؤزدن سالا گؤز.

گؤزله مزدیم کی گؤزون گؤز - گؤزه گلدیکده یئنه

گؤز اؤنونده وئره گؤز داغی، تیکه یادلارا گؤز..... یاز، ۹۱-۹۸

شاعرین یورد وتورباق قایغیسی " غربت آخشامی آذربایجان " آدلی

شعرینده آذربایجان حسرت وهجران شعرینین دریچه سین آچیر و اورکلره

یانغی ساچیر، آمما بو یانغی آلیشدیریپ آلولاندیرسا دا " آرزو تومورجو -

غوجان بوداغیندا یازین هوسیه گولور، گؤز آچیر. " شعر اوزون اولسا دا

اونو بوردا گتیرمه گی جاییز گؤروروک.

قارانلیق قیجیدیر ایتی دیشینی

غربتین آخشامی بوزور دوداغین.

یینخیق دیواریندان خیال ائوینین

آرزو کؤلگه لری کسیر آیاغین.

بوز باخیشلار اوگی - اوگی پیچیلدیر

دایاز گؤلوشلرین آغلایر گؤزو.

یالنیزلیق دئدیگین گؤرور ایشینی

آنلامسیز آنلارین تیتره بیر دیزی.

چن بوروین سئودا دوشرگه سیندن

قیریق بیر خاطیره اوزالدیر الین.....

آرزو تومورجوغو جان بوداغیندا

یازین هوسیه گولور، گؤز آچیر.

" میشو " دان بویالانان باختین اولدوزو

سونوندا یوردونا دؤنوب نور ساچیر.

تورپاغین عطریله آنا سئوگیسی
توزلو پرده لری وورور بیر یانا،
خیال قانادیندا وورغون کؤنلومو
بیر آن قووشدورور آذربایجانا.

ایلیک باهار - ۹۷ - دانمارک

جمیلی نین شاعرلیک یارادیجی لیغیندان هئچ ده آشاغی اولمایان
ایکینجی هنری، اونون فارس شعریندن و بیرینجی نوبه ده صائب تبریزی
دن مهارتله آذربایجان تورکجه سینه چئویردیگی تک بیت لردیر. من هردن
بو ایش ایله یعنی فارسجادان آذری تورکجه سینه شعر ترجمه ایشی ایله
اوغراشدیغیم اوچون، بو ایشین نه قدر چتین و مسئولیتلی اولدوغونو بئله
دویموشام و بیر کلمه نین یئرلی - یئرسیز اولدوغونو گؤتور - قوی ائتمکده
اوزون - اوزادی واخت کئچیرمیشم، بونا گؤره ده بو ایشین چتین لیگی ایله
آز - چوخ تانیشام.

خصوصاً صائب کیمی بؤیوک سؤز اوستادی و مینیاتورستی کیمی
بعضاً بیر کتاب حکمت و دنیا گؤروشونو بیر بیتده قالیبلاشدیرماق چوخ
دا آسان باشا گله سی ایش دگیل، لکن جمیلی بو نهنگ بیتلرین چئویرمه
سینده باشاریلی چیخمیشدیر. بو کیمی تک بیتلردن نه قدر نمونه گتیرسک
یئرلی سانیلیر :

پاک کن از غیبت مردم دهان خویش را،

ای که از مسواک هردم میکنی دندان سفید.
" سن کی هردم قیلیسان دیشلری مسواک ایله آغا،
نه اوچون غیبت ایله آغزینی ناپاک اندیسن ؟ "

*

نمیتوان غم دل را به خنده بیرون کرد
زخنده روئی گل، تلخی از گلاب نرفت.
گولوش ائتمز اوره گین دردوغمین جانانان ایراق،
گول، گولر اوزله گولابین آلابلمز آجیسن.

*

گفتگوی کفرودین آخر به یکجا میرسد،
خواب یک خواب است و باشد مختلف تعبیرها.
کفرایله دین سؤزو ان سوندا چاتار بیر مقاما،
گؤرولن بیر یوخودور، وار دگیشیک یوزمالاری.

*

از جوانی نیست غیر از آه و حسرت در دلم
نقش پائی چند از این طاووس زرین بال ماند.
گنجلیکدن قالمامیش کؤنلومده حسرتدن ساوای،
وار ناخیشلی طاووسون یالنیز آیاغیندان نشان.

*

چند بتوان ساخت موی خویش چون قیر از خضاب،
چون نمی گردد جوان دل، این سیه کاری چه سود؟
نه قدر یاخمالیسان آغ ساچینا قاره خضاب؟
اورک اولماز سا جوان، یوخ بو قارا ایشده ثواب.

✱

کج خلق را به دشمنی خویش واگذار
آتش چه ها نمی کشد از دست خوی خویش.
کونازی بوشلا، او اؤز وارلیغی نین دشمنی دیر،
آلووندان اؤزونو آیری توتانماز یانار اود.

✱

خون خود ما به دوچشم تو نمودیم حلال،
باده از مردم مخمور گرفتن ستم است.
بیز حلال ائيله ميشيك قانیمیزی گؤز لرینه،
ظلم دور وثرمیه سن باده نی مخمور الینه.

✱

صائب ین دریا مضمونلاری و جمیلی نین اینجه ترجمه لری، اوققدر
جانلی و ییغجام دیرکی، انسان اوره گی ایسته ییر بو دفترچه ده هر نه وار
هامیسنی بوایا کؤچورسون !

صائب ین بو قدر گوجلور رئالیزی و دنیا گؤروشلری سؤز دللالار-
نین گؤزونده ملاحظه سیزلیک، بی پروالیق سانلییر. اسماعیل جمیلی اؤز
انسانی- اخلاقی نورملاری ایله یاخشی و پیس آراسیندا یاراتدیغی قایغی و
دویغو ایله، دونن بؤیوک سؤز اوستادی " محمدعلی صائب تبریزی " نین
یاراتدیغی شعر و ادب دونیاسی نین دوامچیلاریندان بیریدیر. اسماعیل
جمیلی لر بو گون خلقیمیزین دوشونجه دونیاسیندا صائب لرین دوغما
وارثی اولاجاقلار.

م . ع . فرزانه - اردیبهشت ۷۹

✱

سبکباران بشور آیند از هر حرف بی مغزی

بفریاد آورد اندک نسیمی نیستانی را.

تئز جوشار یونگول اولانلار ایچی بوش سؤزلردن

قارغیلیق حای قوپارار آستا اسن یئللردن.

Tez coşar yüngül olanlar içi boş sözlərdən
Qarğılıq hay qoparar asta əsən yellərdən

✱

دیده از اشک و دل از داغ و لب از آه پراست

عشق در هر گذری رنگ دگر میریزد.

گۆز یاشلا، کۆنول اودلا، سینە آھیلە دولغون

عشقین بویاسی گئچدی یئرلرده بیر اولمور.

Göz yaşla, könül odla, sinə ahilə dolğun
Eşqin boyası geçdiyi yerlərdə bir olmur

✱

گوهر نمی فتد زبها از فتادگی

سهل است گر بنحاک دو روزی فتاده ایم.

گوهر یتره ده دوشسه آزالماز ده یریندن

دوشسن ده آیاقدان نچه گون کۆنلونو سیخما !

Gövhər yerə də düşsə azalmaz dəyərinə
Düşsən də ayaqdan neçə gün könlünü sıxma !

✱

✱

مشو نومید اگر یک چند خون در دل کند چشمش

که خون را مشگ میگرداند آهوئیکه من دانم.

قان ائیلە سە دە کونلونو او گۆزلر اوزولمە

قانی دە ییشیب میشگ ائله یر من بیلن آهو.

Qan eyləse də könlünü o gözlər üzülmə
Qanı dəyişib mişg ələyər mən bilən ahu.

✱

ماتم و سور جهان با یکدیگر آمیختست

آب می آید بچشم از خنده بی اختیار.

شنلیکلە اکیزدیر کدری ماتمی دهرین

دورماز گۆزونون یاشی اگر گولسن اورکدن.

Şənliklə ekizdir kədəri matəmi dəhrin
Durmaz gözünün yaşı əgər gülsən ürəkdən

✱

بود از موی سفید امید بیداری مرا

بالش پرگشت آنهم بهر خواب غفلتم.

ساج آغاردیقدا اوموردوم بیرآز اولسون آیلام

او دا توک یاسدیقی اولدو سوره غفلت یوخوسو.

Saç ağardıqda umurdum bir az olsun ayılam
O da tük yadıqı oldu sürə gəflət yuxusu.

✱

✱

طومار درد و داغ عزیزان دفته است

این مهلتی که عمر دراز است نام او.

آیریلان سئوگیلی جانلار غمینین طوماری تک

اوزادیقجا بو عومور نیسگیلی آرتیق بیریکیر.

Ayrılan sevgili canlar gəminin tumarı tək
Uzadıqca bu ömür nisgili artıq birikir.

✱

عالم تمام یک گل بی خار میشود

دل را اگر زکینه مصفا کند کسی.

کینه توزونو آلسان اگر کونلون ائویندن

دنیاده نه وار ایسه تیکانسیز گوله بنزر.

Kinə tozunu alsan əgər könlün evindən
Dünyadə nə var isə tikansız gülə bənzer.

✱

دل خوش مشرب ما داشت جوان عالم را

شد همان روز جهان پیر که ما پیر شدیم.

ایله نن کؤنلوموزون شورو توتوب عالمی گنج

بیز قوجالدیقدا بیزایلن بو جهان دا قاریئر.

İlənən könlümüzün şuru tutub ələmi gənc
Biz qocaldıqda biz ilən bu cəhan da qaryer.

✱

✱

هزار نکته سرسته بی میانجی حرف

ز غنچه دهن تنگ یار می شنوم.

سوسسا دا نازلی یارین غنچه دوداغی اوخویور

سیغمایان سؤزلره مینلرجه کؤنول نامه سینی.

Sussa da nazlı yarın günçə dodadğı oxuyur
Sıgmayan sözlərə minlərcə könül nəməsini.

✱

آسیاب فلک از آب مروت خالی است

تادلت چاک چو گندم نشود نان مطلب.

دؤنمه بیر دهرین دییرمانیندا انصافین سویو

بوغدا تک باغرین یاریق اولمازسا وئرمز بیر فطیر.

Dönməyir dəhrin dəyirmanında insafın suyu
Buğda tək bağrın yarıq olmazsa verməz bir fətir.

✱

غیر از گهر عشق که پاینده و باقی است

باقی همه چون موج ز دریا گذرانند.

یالنیز عشقین گهری دنیادا سونسوز یاشایار

بو دنیزدن اؤتوشر دالغا کیمی هر نه کی وار.

Yalnız eşqin göhəri dünyada sonsuz yaşayar
Bu dənizdən ötüşər dalğa kimi hər nə ki var.

✱

✱

چهره آشفته حالان نامه وا کرده است
گرچه ما در عرض مطلب بر زبان افتاده ایم.
عاشقین یالواریشی اولسا دا دیلرده ناغیل
کۆنلونون گیزلی غمی سولغون اوزوندن اوخونور.

Aşıqın yalvarışı olsa da dillərdə nağıl
Könlünün gizli ğəmi solğun üzündən oxunur.

✱

بی محبت مگذران عمر عزیز خویش را
در بهاران عنده لب و در خزان پروانه باش.
سئوگی سیز قویما اؤتوشسون یاشامین بیر آن دا
ایلک باهار بلبله دؤن گلسه خزان اول کله بک.

Sevgisiz qoyma ötüşsün yaşamın bir an da
İlk bahar bülbülə dön gəlsə xəzan ol kələbək.

✱

من نه آنم که تراوش کند از من گله ای
میده خون جگر رنگ به بیرون چه کنم.
سانما واردیر گیله ییم یاکی آزالمیش دؤزوموم
جگریم قانیدی وئرمیش اوزه رنگین نه ائدیم.

Sanma vardır gileyim ya ki azalmış dözümüm
Cigərim qanıdı vermiş üzə rəngin nə edim.

✱

✱

عمر خود کوتاه کرد و نامه خود را سیاه
هرکه "صائب" چون قلم سر در سر گفتار کرد.
کیم قلم تک "صائب" اولدو سؤز ایله باش باشا
قیسادیب اؤز عمرونو آغ یازیسین قیلدی قارا.

Kim qələm tək "Saib" a oldu söz ilə baş başa
Qısadıb öz ömrünü ağ yazısın qıldı qara.

✱

هرچه رفت از کف بدست آوردن آن مشکل است
چون کند گردآوری گل بوی غارت برده را.
الذن گنده نین بیر ده قاییتماسی چتیندیر
گل غارت اولان عطری صبادن آلا بیلمز.

Əldən gedənin bir də qayıtması çətindir
Gül ğarət olan ətri səbadən alabilməz.

✱

تیر کج را از هدف دست تصرف کوتاه است
سخت خواب آلوده میتازی زمینزل نگذری.
یولو دوشمز الی چاتماز نیشانا ایری اوخون
مورگولو گؤزله چاپیتسان قالی منزل گئری ده.

Yolu düşməz əli çatmaz nişana əyri oxun
Mürgülü gözle çapıtsan qalı mənzil geridə.

✱

✱

فلک با تنگ چشمان گوشه چشم دگر دارد
که چون فرزند کور آید شود چشم گدا روشن.
فلکین وار گوزو دار گوزلره باشقا گوز ایلن
بالاسی گورمز اگر اولسا گدانین سئوینر.

Fələkin var gözü dar gözlərə başqa göz ilən
Balası görməz əgər olsa gedanın sevinər.

✱

هرچند که در پرده شرمند نکویان
چون باز نظر دوخته در فکر شکارند.
قارتال کیمی ایزلیر اوونو گوزلورو چالسین
ساخانسا اوتانج اورتوگو آلتیندا دا گوزلر.

Qartal kimi izlir ovunu gözlürü çalsın
Saxlansa utanc örtüğü altında da gözler.

✱

تیره بختی لازم بخت بلند افتاده است
پای خود را چون تواند داشتن روشن چراغ.
هر بختورین وار قارا باختلیق یازیسیندا
قسمت دگیلی اوز دیبینه نورو چراغین.

Hər bəxtəvərin var qara baxtlıq yazısında
Qismət dəgili öz dibinə nuru çırağın.

✱

✱

دامن شادی چو غم آسان نمی آید به دست
پسته را خون میشود دل تا لبی خندان کند.
غم کیمی گلمز اله آسان سئوینجین وصلتی
باغرینی قان ائتمه سه گولمز دوداغی پسته نین.

Ğəm kimi gəlməz ələ asan sevincin vəsləti
Bağrını qan etməsə gülməz dodağı püstənin.

✱

روی او خورشید را در پرده مشرق گداخت
با کدامین روی دیگر صبح خواهد شد سپید.
یاندی مشرقده گونش یارین اوزوندن اولدو کوز
هانسی آغ اوزله آغاردار دان یثرین هرگون سحر.

Yandı məşriqdə günəş yarı üzündən oldu köz
Hansı ağ üzle ağardar dan yerin hər gün səhər.

✱

پشه با شب زنده داری خون مردم میخورد
زینهار از زاهد شب زنده دار اندیشه کن.
مغ مغ گئجه یاتماز کی سورا قانینی خلقلین
آلدانما اگر صبحه قدر اویماسا زاهد.

Miğ miğ gecə yatmaz ki sora qanını xəlqin
Aldanma əgər sübhə qədər uymasa zahid.

✱

*

صبح امیدى كه پنهانست در دلهاى شب
میشود طالع از آن چاك گریبان غم منخور.
قوینوندا یاتیبیدیر گنجہ نین صبحون امیدى
بختین آچیلار دان یثرى تک کؤنلونو سیخما.

Qoynunda yatındır gecənin sübhün ümidi
Bəxtin açılar dan yeri tək könlünü sıxma.

*

چون شود دشمن ملایم احتیاط از کف مده
مکرها در پرده باشد آب زیر کاه را.
دشمنین اولسا ملایم یئنه ده سن سایق اول
گیزلی آلداتماسی واردیر سامان آلتیندا سویون.

Düşmənin olsa mülayim yene də sən sayıq ol
Gizli aldatması vardır saman altında suyun.

*

از بخت سیه نیست گذر اهل قلم را
بی چاک که دیده ست گریبان قلم را.
قلم اهلی اولابیلمز قارا بختیندن ایراق
کیم گؤروبدور قلمین باغری یاریق اولمادیغین.

Qələm əhli olabilməz qara bəxtindən iraq
Kim görübdür qələmin bağı yarıq olmadığın.

*

*

اظهار عجز پیش ستمگر ز ابلهی است
اشک کباب باعث طغیان آتش است.
کیمسه یالوارسا اگر ظالمه سارساقلیق ائدیر
کبابین گؤز یاشی آخدیقجا اود آرتیق قودورار.

Kimse yalvarsa əgər zalimə sarsaqılıq edir
Kəbabın göz yaşı Axdıqca od artıq qudurar.

*

ریشه نخل کهن از نونهال افزونتر است
بیشتر دلبستگی دارد به دنیا پیر را.
یاشا دولدوقجا آغاج یئرده چوخالدار کؤکونو
حیاتا باغلی اولار گنج دن آرتیق قوجالار.

Yaşa dolduqca ağac yerdə çoxaldar kökünü
Həyata bağlı olar gəncdən artıq qocalar.

*

به بیداری سرآور روزگار زندگی را
به زیر خاک اگر خواب فراغت در نظر داری.
دینج یاتماق ایسته ییر گر تورپاق آلتیندا جانین
سور آچیق گؤزله آیق باشلا حیاتین هر آنین.

Dinc yatmaq istəyir gər torpaq altında canın
Sür açıq gözlə ayıq başla həyatın hər anın.

*

✱

به چشم ظاهر اگر رخصت تماشا نیست
نهیسته است کسی شاهراه دلها را.

بو باخار گؤزله اگر اذن یوخوندور گؤروشه
باغلايان یوخدو اوره ک لر یولونو کیسه سینه.

Bu baxar gözlə əgər izn yoxundur görüşə
Bağlayan yoxdu ürəklər yolunu kimsəsinə.

✱

به چشم بد مبین ای ساده دل ما تیره روزان را
که صد آئینه از یکمشت خاکستر شود بیا.

بیز قارا گونلورله باخمایین آلچاق گؤز ایلن
بیر اووج کولدن اولور گوزگولرین پارلاماسی.

Biz qara günlülərə baxmayın alçaq göz ilə
Bir ovuc küldən olur güzgülerin parlaması.

✱

دشمن خونخوار را کوتاه به احسان ساز دست
هیچ زنجیری به از سیری نباشد شیر را.

یاراماز دشمن الین وئردیگین احسان ایله کس
توخلوغون زنجیری تک یوخدور آلان اسلان اونون.

Yaramaz düşmən əlin verdigin ehsan ilə kəs
Toxluğun zənciri tək yoxdur alan əslan önün.

✱

✱

عقل کامل میشود از سرد و گرم روزگار
آب و آتش میکند صاحب برش شمشیر را
عقلی یتگینله دیری دونیانین ایستی سویوغو
اودلا سو اولماسا اولمازدی قلنجین کسری.

Əqli yetginlədiri dünyanın isti soyuğu
Odlə su olmasa olmazdı qılıncın kəsəri.

✱

نه همین موج ز آمد شد خود بی خبر است
هیچ کس را خبر از آمدن و رفتن نیست.

تکجه دالغا دگیلی اؤز دورومون آنلامایان
کیسه بیلیمیر هارا گلیمیش هارایا گئتمه لیدیر.

Təkcə dalğa dəgili öz durumun anlamayan
Kimsə bilmir hara gəlmiş haraya getməlidir.

✱

شستن به شک گرد کدورت ز روی دل
آئینه را به دامن تر پاک کردن است.

کینه توزو شک ایله یویولماز هر اوره کدن
بیر یاش بئز ایله گوزگو توزون سیلمه یه بنزر.

Kinə tozu şəkk ilə yuyulmaz hər ürekdən
Bir yaş bez ilə güzgü tozun silməyə bənzər.

✱

*

سرمه از فیض سفر مایه بینش گردید
صیقل تیرگی بخت جلای وطن است.
سرمه گزمکله گوزون گورگوسونو آرتیردی
قارا بختین آچیلار ترک دیار ائتسن اگر.

Sürme gəzməklə gözün görgüsünü artırdı
Qara bəxtin açılar tərki diyar etsən əgər.

*

مشت آبی میکند خواب گران را تارومار
قطره اشگی پی ویرانی ظالم بس است.
یوخو برک اولسا اونو بیرجه اووج سو داغیدار
ظالمی یخماغا بیر داملا دا گوز یاشی یئتر.

Yuxu bərk olsa onu birçə ovuc su dağıdar
Zalimi yıxmağa bir damla da göz yaşı yetər.

*

نیست پروا تلخکامان را ز تلخیهای عشق
آب دریا در مذاق ماهی دریا خوشست.
آجیلیق چکسه بیر، عشق آجیسیندان آجیماز
دنیز ایچره بالیغا دادلی گلر ایچدیگی سو.

Acılıq çəksə biri, eşq acısından acımaz
Dəniz içrə balığa dadlı gələr içdiyi su.

*

*

خنده از تنگی جا در دهنش غنچه شده ست
بوسه را راه سخن پیش لب یار کجاست.
یئر دار اولماقدان اولوب غنچه یار آغزیندا گولوش
اومما یئرسیز یئره یار ائيله یه احسان بیر اؤپوش.

Yer dar olmaqdan olub günçə yar ağzında gülüş
Umma yersiz yerə yar eyləyə ehsan bir öpüş.

*

می بده می بستان دست بزن پای بکوب
در خرابات نه از بهر نماز آمده ایم.
باده آل باده یئتیر چیلتیگی چال اویناگیلن
سن خراباته نماز ائيله مگه گلمه میسن.

Badə al badə yetir çiltigi çal oynagilən
Sən xərabatə nəməz eyləməgə gəlməmişən.

*

مشو از زیر دست خویش ایمن از زبردستی
که خون شیشه را نوشید جام آهسته آهسته.
الین آلتیندا اولان سانما کی سندن بیلیر آز
آستا- آستا شیشه نین قاننی جام ایچدی بوتون.

Əlin altında olan sanma ki səndən bilir az
Asta-asta şişənin qanını cam içdi bütün.

*

✱

ای زلف یار این همه گردنکشی چرا
آخر تو اوفتاده و ما هم فتاده ایم.

ساچلارین بورمالانیب دورسا دا قارشیمدا یئنه
او دا بیرگون دوشه جک من کیمی اوستن آشاغی.

Saçların burmalanıb dursa da qarşımda yenə
O da bir gün düşəcək mən kimi üstən aşağı.

✱

ندارد صرفه ای آئینه مارا جلا دادن

شود رسوای عالم هرکه رسوا میکند مارا.

یوخ قازانجی بیرسی سیلسه بیزیم گوزگوموزو

بیزی رسوا ائله ین دنیادا رسوا اولاجاق.

Yox qazancı birisi silsə bizim güzgümüzü
Bizi rüsva eləyən dünyada rüsva olacaq.

✱

گرهه خانه کعبه ست که تعمیر مکن

تا توان کرد عمارت دل ویرانی را.

سعی گؤستره مرمت ائله سن کعبه ائوین

همت ائت بیر یخیلان کؤنلو عمارت قیلاسان.

Səy göstərmə mərəmmət edəsən kəbə evin
himmət et bir yıxılan könlü imarət qılasan.

✱

✱

موجیم که آسودگی ما عدم ماست

ما زنده از آنیم که آرام نگیریم.

دالغا کیمی بیک بیزلره دورغونلوق اولومدور

چالخانماقیلان وار ایدی، وارلیقدا حیات دا.

Dalğa kimi yik bizlərə durğunluq ölümdür
Çalxanmaqlan var idi, varlıq da həyat da.

✱

سنگین نمی شد این همه خواب ستمگران

می شد گر از شکستن دلها صدا بلند.

ظالمین اویغوسو دنیاده آغیر اولماز ایدی

چیخا ییلسیدی اگر قیلبرین سینما سسی.

Zalimin uyğusu dünyadə ağır olmaz idi
Çıxa bilseydi əgər qəlblərin sınma səsi.

✱

نیست اوج اعتبار پوچ مغزان را ثبات

کوزه خالی فتد زود از کنار بامها.

گؤوه نیلمز سؤزونه سارساق اگر وئرسه ده سؤز

بوش کوزه تئز بودوره ر دورسا قیراغیندا دامین.

Güvenilməz sözünə sarsaq əgər versə də söz
Boş küzə tez büdürər dursa qırağında damın.

✱

✱

ما از این هستی ده روزه به جان آمده ایم

وای برخیز که زندانی عمر ابد است.

جانا گلدیک، یاشاماقدانچه گونلوک حیاتی

عؤمر زندانینا سونسوز قاپیلان خضره یازیق.

Cana geldik, yaşamaqda neçə günlük həyatı
Ömr zindanına sonsuz qapılan xızra yazıq.

✱

هست یک نسبت به نیک و بد دل بی کینه را

نیست صدر و آستاننی خانه آئینه را.

یاخشیله پیسه عین باخار کین سیز اوره کلر

اولماز اشاغیله یوخاری گوزگو ائوینده.

Yaxşilə pisə eyn baxar kinsiz ürəklər
Olmaz əşəğilə yuxarı güzgü evində.

✱

از گلوی خود بریدن وقت حاجت همت است

ورنه هرکس وقت سیری پیش سگ نان افکند.

اؤز بوغازیندان کسب احسان ائدن همت لیدیر

یوخسا هرکس اولسا توخ توللار ایته الجه چؤرک.

Öz boğazından kəsib əhsan edən himmətlidir
Yoxsa hər kəs olsa tox tullar itə əlcə çörək.

✱

✱

دوردستان را به احسان یاد کردن همت است

ورنه هرخلی به پای خود ثمر می افکند.

صاحب همت اودور یادلارا احسان ائله سین

یوخسا هر بارلی آغاج باری تۆکر اؤز دیبینه.

Sahibi himmət odur yadlara əhsan ələsin
Yoxsa hər barlı ağac barı tökər öz dibinə.

✱

بسکه می آید بناز از چشم او بیرون نگاه

چند جا تا خانه آئینه منزل میکند.

ائله نازیله سوزور نازلی گؤزوندن باخیشی

یئتمه میش گوزگیه گؤزلردن اوزاق یاسلانیری.

Elə nazilə süzür nazlı gözündən baxış
Yetməmiş güzgiyə gözlerdən uzaq yaslanırı.

✱

عالمی دیگر بدست آور که در زیر فلک

گر هزاران سال میمانی همین روز و شب است.

دگیشلمز گئجه گوندوز نئچه مین ایل یاشاسان

بو گوی آلتیندا چالیش باشقا بیر عالم تاپاسان.

Değişilməz gecə gündüz neçə min il yaşasan
Bu göy altında çalış başqa bir aləm tapasan.

✱

*

کعبه و بتکده بی جلوه مستانه یار
آسیابست که انداخته اند آبش را
کعبه ده بتخانادا اولماسا جانان گؤروشو
بونا بنزر کی دگیرماندا کسيلمیش اولاسو.

Kəbədə bütəxanada olmasa canan görüşü
Buna bənzər ki dəğirməndə kəsilmış ola su.

*

فريب مهربانی خوردم از گردون ندانستم
که در دل بشکند خاری که بیرون آرد از پایم.
اوزومه گولودو فلک بيلمه ديم اويدوم نه بيلم
سانجاقادير اوره يه چکسه اياقدان تیکانی.

Üzümə güldü fələk bilmədim uydum nə bilim
Sancacaqdır ürəyə çəksə ayaqdan dikanı.

*

آنکه می گوید قیامت بر نمی خیزد کجاست
تا در آن مژگان تماشای صف محشر کند.
گورمه میش سئوگیلیمی سؤیلمه یوخدور عرصات
باخ او کیپریکلرینه سئیر ائله محشر صفینی.

Görməmiş sevgilimi söyləmə yoxdur ərəsat
Bax o kipriklərinə seyr elə məhşər səfini.

*

*

دل میرود به حلقه زلفش به پای خود
دام آنچنان خوشست و شکار اینچنین خوشست.
ساچنین قیوریمینا کؤنلوم ایاق ایله دوشور
تلە نین ائیلە سی خوشدور شکارین دا بئله سی.

Saçının qıvrımına könüm əyaq ilə düşür
Tələnin əyləsi xoşdur şıkarın da beləsi.

*

قطره آبی که دارد در نظر گوهر شدن
از کنار ابر تا دریا تنزل بایدش.
بیر داملا سو ایسترسه اگر گوهره دؤنسون
گؤیلردن اوزوب آل، دنیزه دوشمه سه اولماز.

Bir damla su istərsə əgər gohərə dönsün
Göylərdən üzüb əl, dənizə düşməse olmaz.

*

چون گذارد خشت اول برزمین معمار کج
گر رساند برفلک باشد همان دیوار کج.
باشلا یارکن ایری قویسا کرپیچی معمار یثره
ایری دیر دیوار سونوندا چاتسا دا باشی گویه.

Başlayarkən əyri qoysa kərpici memar yerə
Əyrydyr divar sonunda çatsa da başı göyə.

*

✱

دست طمع که پیش کسان می کنی دراز
پل بسته ای که بگذری از آبروی خویش.
ائتسن آج گۆزلولوک آپسان آیینی اؤزگه سینه
سانکی بیر کۆرپو سالیسان کئچه سن آبریندان.

Etsən acgözlülük açsan əlini özgəsinə
Sanki bir körpü salırsan keçəsən abrından.

✱

درون خانه خود هرگدا شهنشاهی است
قدم برون منه از حد خویش و سلطان باش.
هر دیلنچی اؤز ائوینده شاه تکین فرمان وئیر
سندھ گل چیخما جزیفغان اؤز ائوینده سلطان اول.

Hər dilənçi öz evində şah təkın fərman verər
Sən də gəl çıxma cızığdan öz evində sultan ol.

✱

لب نهادم به لب یار و سپردم جان را
تا به امروز به این مرگ نمردست کسی.
لب لب یاره قویوب جانیمی تاپشیردیم اونا
اؤلمه یب بؤیله اؤلومله کیمیمی بو گونه تک.

Ləb ləbi yarə qoyub canımı tapşırdım ona
Ölməyib böylə ölümle kimisi bu günə tək.

✱

✱

بگیر جان و بده بوسه ای در آخر حسن
که این متاع در این چند روزه شیرین است.
آل بوجانی وئریگیلن بیر بوسه حسنون سولمادان
چون بو مالین آل وئری بیرنئچه گون شیرین اولار.

Al bu canı vergilən bir busə hüsnün solmadan
Çün bu malın al veri bir neçə gün şirin olar.

✱

از دور نیفتد قدح تلخ مکافات
زهری که چشیدی نتوانی نچشانی.
آجی دا اولسا مکافات جامی دؤوره گزر
زهر ایچدیرسن اگر دادمالیسان بیرگون اؤزون.

Acı da olsa mukafat camı dövrə gəzər
Zəhr içdirsən əgər dadmalısən bir gün özün.

✱

به عزم صید چون آیی به صحرا در تماشایت
چو مژگان از دو جانب صف کشد آهوی صحرائی.
اووا چیخسان چؤله اوولار سنی بیر گؤرمک اوچون
کیپرگیگن صفلری تک هر ایکی یاندان دوزولور.

Ova çıxsan çölə ovlar səni bir görmək üçün
Kipriğin səfləri tək hər iki yandan düzülür.

✱

✱

گفتگوی عشق با اهل خرد حیف است حیف
این جواهر سرمه را نتوان به چشم کور ریخت.
حیف دیر عاقیل لریلن سۆز دانیشماق عشقدن
بو جواهر سرمه نی چکمزله گۆرمز گۆزلره.

Heyf dir aqillərilən söz danışmaq eşqdən
Bu cəvahir sünnəni çəkməzlə görməz gözlərə.

✱

گاه در خواب گهی مست و گهی مخمور است
چشم پرکار تو کی حال مرا می داند.
یا یاتیدیر، یا خماردیر، یا دا مستانه گزیر
وقتی یوخدور گۆزونون بیر بیلە حالیم نئجه دیر.

Ya yatıbdır, ya xumardır, ya da məstanə gəzir
Vəqti yoxdur gözünün bir bilə halım necədir.

✱

هر ستم از چشمش آید عذر می خواهد لبش
تلخی بادام را شکر تلافی می کند.
نه ظولوم گلسه گۆزوندن، دوداغین عذر دیلر
بادامین آجیسینی اوسته له ییر شهد و شکر.

Nə zülüm gəlsə gözündən, dodağın üzr dilər
Badamın acısını üstələyir şəhdü şəkər.

✱

✱

کردم نهفته در دل صد پاره راز عشق
غافل که بیش میشود از رنگ بوی گل.
گیزلی توتدوم عشق سرین بو سینیق کۆنلومده من
بیلمه دیم گولده قوخو گوجلولا لارمیش رنگدن.

Gizli tutdum eşq sirrin bu sınıq könlümdə mən
Bilmədim güldə qoxu güclü olarmış rəngdən.

✱

جنگ دارد ظالم از بی آلتی با خویشتن
خون خود را می خورد گرگیکه دندان ریخته.
اۆز اۆزیلن ساواشار اولماسا ظالیمده یاراق
دیشلرین تۆکموش اولان قورد ایچر اۆز قانینی.

Öz özilən savaşar olmasa zalimdə yaraq
Dişlərin tökmüş olan qurd içər öz qanını.

✱

جمع سازد برگ عیش از بهر تاراج خزان
در بهار آنکس که می بندد در بستان خویش.
گول چاغی گولشنین باغلاسا باغبان قاپیسین
بسله ییر گو - چیچگی سون باهارین غارتینه.

Gül çağı gülşəninin bağlasa bağban qapısın
Bəsləyər gül-çiçəgi son baharın gərtinə.

✱

✱

اگر صد بار برخیزد همان برخاک بنشیند
 بیال دیگران هرکس بود چون تیر پروازش.
 توپراغا توش اولاجاق یوز کره ده قالخسا یئنه
 اوخ کیمی کیم کی چیخا اؤزگه قاناديله گؤیه.

Toprağa tuş olacaq yüz kərə də qalxsə yenə
 Ox kimi kimki çıxa özgə qanadilə göyə.

✱

شوق در هردل که باشد مطربی در کار نیست
 بی دف و نی می کند گردون مینا فام رقص.
 هر کؤنولده شوق وارسا، چال چاغیر لازیم دگیل
 تار- قوال سیز اوینایان بو قبه دوواره باخ !

Hər könüldə şoq varsa, çal çağır lazim dəgil
 Tar-qavalsız oynayan bu qübbəyi dəvvərə bax !

✱

طلب دل مکن از زلف که جان میبازد
 دزد را هرکه شب تار بدنبال شود.
 ایسته مه کؤنلانو زلفوندن، اولار جانی هلاک
 اوغرونون کیم دالینا دوشسه قارانلیق گئجه ده.

İstəmə könlünü zülfündən, olar canı həlak
 Oğrunun kim dalına düşsə qaranlıq gecədə.

✱

✱

گرچه من چون غنچه دارم مهر خاموشی به لب
 نگهت گل می کند تفسیر فریاد مرا.
 دوداغیم غنچه کیمی باغلی قالب دینمه سه ده
 گل یوزار اؤز قوخوسيله غمیمین هایقیریغین.

Dodağım günçə kimi bağlı qalıb dinməsə də
 Gül yozar öz qoxusilə gəmimin hayqırığın.

✱

بر نمی خیزد صدا از دست چون تنها بود
 دست دادن نفس را امداد شیطان کردندست.
 سؤیله میشلر اسکیدن " چیخماز تک آلدن سس " سؤزون
 وئرمه آل اؤز نفسینه امداد شیطان ائيله مه.

Söyləmişlər esgiden " çıxmaz tək əldən səs " sözün
 Vermə əl öz nəfsinə imdadi şeytan əyləmə.

✱

زر میندوز که چون خانه پر از شهید شود
 آنزمان وقت جلای وطن زنبور است.
 تاماهین آز ائله، یغما اثوینه دنیا مالین
 پتگی دولموش آری ترک دیار ائتمه لیدیر.

Tamahın az ələ, yığma evinə dünya malın
 Pətegi dolmuş arı tərki diyar etməlidir.

✱

*

گرچه جان ما به ظاهر هست از جانان جدا
 موج را نتوان شمرد از بحر بی پایان جدا.
 اوزده آیری اولسا دا بو جانیمیز جاناندان
 دالغانین کیمسه آیرماز وارلیغین عمانیدان.

Üzdə ayrı olsa da bu canımız canandan
 Dalğanın kimsə ayırmaz varlığın ummanıdan.

*

جنبش گهواره خواب طفل را سازد گران
 از تنزل بیش محکم میشود بنیاد ما.
 بشیگین ترپه نیشی کۆرپه اوچون لایلا دی
 تیره ییش برکیده جک بیزلرین آرتیق تملین.

Beşigin tərpanişi körpə üçün laylaydır
 Titrəyiş bərkidəcək bizlərin artıq təməlin.

*

نعمتی چون سیر چشمی نیست درخوان وجود
 بی نیاز از بحر دارد آب این گوهر مرا.
 گۆزو توخلوق کیمی جان سفره سینین نعمتی یوخ
 دگر عمانلارا بیر قطره سویو بو گهرین.

Gözü toxluq kimi can süfrəsinin nə'məti yox
 Digər ummanlara bir qətrə suyu bu göhərin.

*

*

خنده بی درد سازد دردمندان را ملول
 سیر گلشن می کند غمگین دل ناشاد را.
 دردسبز گولسه اگر دردلی نین آرتار کدری
 توتولار غملی کۆنول سیر گلستان ائله سه.

Dərdsiz gülsə əgər dərđlinin artar kədəri
 Tutular ğəmli könül seyri gülüstan eləsə.

*

مستمع صاحب سخن را برسر شوق آورد
 غنچه خاموش بلبل را به فریاد آورد.
 دینله یندیر گتیرن شوقه سۆزون صاحیبینی
 غنچه نین سوسماسی دیر بلبلای فریاده سالان.

Dinləyəndir gətirən şövqə sözün sahibini
 Günçənin susmasıdır bülbulü fəryadə salan.

*

دزدی بوسه عجب دزدی پر منفعتی است
 که اگر باز ستانند دو چندان گردد.
 نه یامان فایدالیدیر، اتسن اوپوش اوغرولوغون
 کی قازانجین ایکی قاتدیر آلار سندن اگر.

Nə yaman faydalıdır, etsən öpüş oğruluğun
 Ki qazancın iki qatdır alalar səndən əgər.

*

✱

بسکه بد می گذرد زندگی اهل جهان

مردم از عمر چو سالی گذرد عید کنند.

یاشاماق اهل جهان چتین اولموش ائله کی،

عۇمرودن بیر ایل اؤترکن هامی بایرام ائله یر.

Yaşamaq əhli cəhanə çətin olmuş elə ki,
Ömrüdən bir il ötərkən hamı bayram eləyir.

✱

برنمی داریم دست از زلف مشگین سخن

چون قلم چندانکه زخم تیغ بر سر میخوریم.

چکمه ریک آل هورمه هورمه قاره زلفوندن سؤزون

سؤز یولوندا نی قلم تک گر یاریلسا باشیمیز.

Çəkmərik əl hörmə hörmə qarə zülfündən sözün
Söz yolunda ney qələm tək gər yarılsa başımız.

✱

درآن گلشن که دارد جلوه طاووس هز زاغی

همان بهتر که زیر بال وپر باشد سر بلبل.

اول باغدا کی، طاووس یئرینی قارغلار آلمیش

بلبل گرک اؤرتسون باشینی قول- قاناد ایله.

Ol bağda ki, tavus yerini qarğalar almış
Bülbül gərək örtsün başını qol-qanad ilə.

✱

✱

گلو ی خویش عبث پاره میکند بلبل

چو گل شکفته شود در چمن نمی ماند.

یثرسیز یثره بلبل بوغازین ائیلیری پاره

گلشنده آچیلسا گل اگر قالمایاجاقدیر.

Yersiz yerə bülbül boğazın eyliri parə
Gülşəndə açılsa gül əgər qalmayacaqdır.

✱

از حادثه لرزند بنخود قصر نشینان

ما خانه بدوشان غم سیلاب نداریم.

تیره رلر اولای اولسا سرایدا یاشایانلار

یوخ قورخو بیز ائوسیزلره سئلرر بئله آخسا.

Titrərlər olay olsa sərayda yaşayanlar
Yox qorxu biz evsizlərə sellər belə axsa.

✱

مریز آب روی خود برای نان کاین آب

چو رفت نوبت دیگر بنخود نمی آید.

اوزونون تۆکمە سویون بیرجه تیکه اکمک اوچون

تۆکولوب گئتسه بو سو بیر ده قایتماز یئرینه.

Üzünün tökmə suyun birçə tikə ekmək üçün
Tökülüb getsə bu su bir də qayıtmaz yerinə.

✱

✱

با خیال یار دریک پیرهن خوابیده ام.

بر ندارد سر زبالین هرکه بیدارم کند.

من خیال یار ایله، بیر کؤینک ایچره یاتمیشام

کیم او یادی رسا منی یاتدیغی یثردن دورماسین.

Mən xəyali yar ilə bir köynək içrə yatmışam
Kim oyadırsa məni yatdığı yerdən durmasın!

✱

شکایت نامه ما سنگ را در گریه می آرد

مهیای گرفتن شو دگر مکتوب ما بگشا.

داشلار آغلار ائشیده دردیمیزین شکوه سینی

قیل مهیا اؤزونو سونرا بیزیم مکتوبو آچ.

Daşlar ağlar eşidə dərdimizin şikvəsini
Qıl mühəyya özünü sonra bizim məktubu aç.

✱

نخنده رسوا مینماید پسته بی مغز را

چون نداری مایه از لاف سخن خاموش باش.

ایچی یوخ پسته نی اؤز گولمه گی رسوا ائله دی

دئمه گه یوخسا سؤزون یاخشی بودور دینمه یه سن.

İçi yox püsteni öz gülməgi rüsva elədi
Deməge yoxsa sözün yaxşı budur dinməyəsen.

✱

✱

در مقام حرف بر لب مهر خاموشی زدن

تبغ را زیر سپر در جنگ پنهان کردندست.

دینمه مک دینمک یثرینده بنزه یر اول خنجره

گیزله نر دعوا گونونده آرخاسیندا قالخانین.

Dinməmək dinmək yerində bənzəyər ol xəncərə
Gizlənər də'va günündə arxasında qalxanın.

✱

دل در خم آن زلف ندانم به چه روز است

در خانه تاریک گهر رنگ ندارد.

کؤنلوم خم زلفونده قالیدیر نئجه بیلیم

ائو اولسا قارانلیق گهرین رنگی گؤرونمز.

Könlüm xəmi zülfündə qayıbdır necə bilməm
Ev olsa qaranlıq göhərin rəngi görünməz.

✱

معیار دوستان دغل روز حاجت است

قرضی برای تجربه از دوستان طلب.

دوستلوغون وارسا سیناغی او دا حاجت گونودور

یوخلا بورج ایله کیمی دوست سانیرسان اؤزونو !

Dostluğun varsa sınağı o da həcət günüdür
Yoxla borc ilə kimi dost sanırsan özünə!

✱

✱

صحبت غنیمت است به هم چون رسیده ایم
تاکی به هم رسد این تخته پاره ها ؟
یار ایله نعمت صحبت وار اگر قدرینی بیل
بیرده هیهات ینه وصلت اوچون فرصت اولا !

Yar ilə ne'məti söhbət var əgər qədrini bil
Birdə heyhat yenə vəslət üçün fürsət ola !

✱

صد جان بهای بوسه طلب می کند ز خلق
دیگر مگر کسی لب خندان ندیده است !
بیر اؤپوش وئرمگه یوز جان آلیری عاشقدن
سانکی تکجه بیر اونون غنچه یه بنزر دوداغی !

Bir öpüş verməyə yüz can alırı aşiqdən
Sanki təkce bir onun günçəyə bənzər dodağı !

✱

به تماشای سر زلف تو عقل از سرمن
نه چنان رفت که دیگر به سرم باز آید.
بیر باخارکن ساجینا باشند اوچورتدو هوشومو
ائيله کی بیرده گمان یوخ گئری دؤنسون یئرینه.

Bir baxarkən saçına başdan uçurtdu huşumu
Eyləki bir də güman yox geri dönsün yerinə.

✱

✱

مرا زیاد تو برد و ترا زدیده من
ستم زمانه از این بیشتر چه خواهد کرد ؟
سن گؤزومدن گئنده لی، چیخدی یادیندان یادیم
دخی بوندان یوخاری ظلم، فلک نیله یه جک ؟

Sən gözümdən gedəli, çıxdı yadından yadım
Dəxi bundan yuxarı zülm, fələk neyləyəcək ?

✱

دو سه روزی به مراد تو اگر گشت فلک
مشو از گردش این مهره غلطان غافل.
گووه نیلمز بو یووارلاق فلکین دؤنمه سینه
اولما غافل، نچه گون اولسا مرادینجا سنین.

Güvenilməz bu yuvarlaq fələkin dönməsinə
Olma ğafil, nəçə gün olsa muradınca sənin.

✱

به هرکه هرچه دهی نام آن مبر " صائب "
که حق خود طلبیدن کم از گدائی نیست.
" صائب " ا چکمه اوزه هر نه وئیررسن بیرینه
حقینی ایستمک عالمده دیلنمک کیمی دیر.

" Saib " a çəkmə üzə hərnə verirsən birinə
Həqqini istəmək aləmdə dilənmək kimidir.

✱

*

خون خود ما به دو چشم تو نمودیم حلال
 باده از مردم مخمور گرفتن ستم است.
 بیز حلال ائیله میشیک قانیمیزی گۆزلرینه
 ظلم دیر وئرمیه سن باده نی مخمور اولانا.

Biz həlal eyləmişik qanımızı gözlərinə
 Zülmdür verməyəsen badəni məxmur olana.

*

به عیب خویش به پرداز تا شوی بی عیب
 مباش آینه عیب دیگران زینهار.
 دوشون اۆز عیبینی قیل چاره سینی
 اولما عیب آیناسی سن آیریلارا.

Düşün öz eybini qıl çarəsini
 Olma eyb aynası sən ayrılara.

*

زچشم شوخ تو شد ملک صبر زیروزبر
 به یک نگاه کسی کشوری بهم نزده است.
 صبر مولکون او گۆزون غمزە سی آلت - اوست ائله ییب
 کیم ووروب بیر بیرینه ئولکه نی بیر باخماق ایلن.

Səbr mülkün o gözün gəməzi alt-üst eləyib
 Kim vurub bir birinə ölkəni bir baxmaq ilən.

*

*

کام دل نتوان گرفتن از جهان بی روی سخت
 آتش آوردن برون از سنگ کار آهن است.
 اوزسوزلوک ایله دنیادا مقصوده چاتیلماز
 ایشده پولاد ایستیر کی چیخارسین اودو داشدان.

Üzsüzlük ilə dünyada məqsudə çatılmaz
 İşdə polad istir ki çıxarsın odu daşdan.

*

به تنگ چشمی سوزن چه تابها که نخورد
 هنوز رشته امید را گسستن نیست.
 گۆزو دار اینه اوچون آلسا دا چوخ توو جانینا
 اومودون ساپی اوزولماق ندی بیلمیر هله ده.

Gözü dar iynə üçün alsa da çox tov canına
 Umudun sapı üzülmaq nədi bilmir hələ də.

*

دزد را دنبال رفتن جان بغارت دادن است
 دل عبث دنبال آن خال سیه افتاده است.
 اوغرونو قووسا بیرری اۆز جانینا قصد اندیری
 بو ش یثره دوشموش اوره ک اول قارا خالین پشیننه.

Oğrunu qovsa biri öz canına qəsd ediri
 Boş yerə düşmüş ürək ol qara xalın peşinə.

*

✱

بحر از باد مخالف میشود شوریده سر
از نصیحت مست را هشیار کردن مشکل است.
اویود ایله، سۆز ایله، کئفلی چتیندیر آییلا
ترس آسن یئلر ایله دالغاسی آرتار دنیزین.

Öyüd ilə, söz ilə, kefli çətindir ayıla
Tərs əsən yellər ilə dalğası artar dənizin.

✱

کج خلق را به دشمنی خویش وا گذار
آتش چه ها نمی کشد از دست خوی خویش.
کونازی بوشلا، او اؤز وارلیغینین دشمنی دیر
الووندان اؤزونو آیری توتانماز یانار اود.

Konazı boşla, o öz varlığının düşmənidir
Əlovundan özünü ayı tutanmaz yanar od.

✱

مگیر از دهن خلق حرف را زنهار
به آسیا چو شدی پاسدار نوبت باش.
دانیشارکن بیرى سعى ائيله سؤزون کسمه یه سن
سیرانی ساخلاگیلن دوشسه دگیرمانه یولون.

Danışarkən biri səylə sözün kəsməyəsen
Sıranı saxlagılən düşsə dəğirmanə yolun.

✱

✱

از خود آرایان نمی باید بصیرت چشم داشت
عیب پیش پا نیاید در نظر طاووس را.
اویونلر آراسیندا گۆره مزسن گۆز آچیق
اؤز ایاقیندا اولان عیبینی طاووس گۆره مز.

Öyünənlər arasında görəməzsən göz açıq
Öz əyaqında olan eybini tavus görəmez.

✱

میهمان گرچه عزیز است ولی همچو نفس
خفه میسازد اگر آید و بیرون نرود.
چوخ عزیزدیر قوناق آنجاق یتنه بنزر نفسه
کی گلیب بیلمه سه گتتماق بوغولار ائو ائییه سی.

Çox əzizdir qonaq ancaq yenə bənzər nəfəsə
Ki gəlib bilməsə getmaq boğular ev eyəsi.

✱

مخور " صائب " فریب فضل از عمامه زاهد
که درگنبد ز بی مغزی صدا بسیار می پیچد.
فضل اومما " صائب " ا عمامه سیندن زاهدین
چوخ کورولدار بئینی بوش گنبدلرین آلتیندا سس.

Fəzl umma " Saib " a əmmaməsindən zahidin
Çox guruldar beyniboş günbəzlərin altında səs.

✱

✱

ز سیر دائمی چرخ میشود معلوم

که در بساط زمین جای آرمدن نیست.

گنجه گوندوز دۈنوشوندن گۈرونور بو فلکین

یوخدو دینجلمگه بیر یئر بو یئر اوستونده بیزه.

Gecə gündüz dönüşündən görünür bu fələkin
Yoxdu dincəlməyə bir yer bu yer üstündə bizə.

✱

خم نگردد بی ثمر شاخی و از بی حاصلی

خجالت بسیار از این قد دوتا داریم ما.

بار گتیردیکده بوتاغلاز باش آیر بارسیز اولان

آیلن قددیمی گۈردوکده خجالت چکیره م.

Bar gətirdikdə butağlar baş əyər barsız olan
Əyilən qəddimi gördükdə xəcalət çəkirəm.

✱

رسیده ای به لب گور کج روی بگذار

نگشته راست به سوراخ هیچ مار نرفت.

چاتیر عۋمرون باشا گل آیریلیغی بوشلاگیلن

سوزه بیلمز یوویا اۋنجه ایلان اولماسا دوز.

Çatır ömrün başa gəl ayrılığı boşlağilən
Süzəbilməz yuvaya öncə ilan olmasa düz.

✱

✱

جمع کردن خویش را در عهد پیری مشکل است

پیش رو نتوان گرفتن لشگر برگشته را.

چتین ایشدیر قوجالیقدا یئیندن توپلاناسان

گئریه دۈنسه قوشون کیمسه کسنمز اۋنونو.

Çətin işdir qocalıqda yenidən toplanasan
Geriye dönsə qoşun kimse kəsənməz önünü.

✱

نیست دلگیری زکوه بیستون فرهاد را

عشق چون مشاطه گردد سنگ خارا هم خوش است.

بیستون داغیندان اولماز کۋنلو غملی فرهادین

عشق اگر مشاطه اولسا قاره داشدا خوش گلیر.

Bistun dağından olmaz könlü gəmli Fərhadın
Eşq əgər məşşatə olsa qarə daş da xoş gəlir.

✱

میرسد آزار بد گوهر به نزدیکان فزون

زخم اول از نیام خود بود شمشیر را.

اۋز یاووقلارینا پیسلیک چوخ ائدر ذاتی قریق

شمشیرین ایلک یاراسی اۋز قینینا قسمت اولور.

Öz yavuqlarına pislik çox edər zətı qırıq
Şəmşirin ilk yarası öz qınına qismət olur.

✱

✱

پا منہ بیرون زحد خویش تا بینا شوی
نیست حاجت با عصا درخانہ خود کور را.
بیلسن اؤز اؤلچونو آیدینلیق اولار ایشده اؤنون
اؤز ائوینده کورا لازیم دگیلی آلسین عصا.

Bilsən öz ölçünü aydınlıq olar işdə önün
Öz evində kora lazim dəgili alsın əsa.

✱

سینه هارا خاموشی گنجینه گوهر کند
یاد دارم از صدف این معنی سرپسته را.
دینمه مزلیک سینه نی گوهرلرین گنجی قیلار
بو سؤزو من آغزی باغلی بیر صدفدن دویموشام.

Dinməməzlik sinəni gohərlərin gənci qılar
Bu sözü mən ağzı bağlı bir sədəfdən duymuşam.

✱

میکنند در سنگ خارا داغ تنهائی اثر
بیستون خاموش شد تا کوهکن از پا فتاد.
داش اوره کلر دایانانماز غمینہ آیریلیغین
بیستون گورلامادی فرهاد آیاقدان دوشه لی.

Daş ürəklər dayananmaz ǧəminə ayrılıǧın
Bistun gurlamadı Fərhad ayaqdan düşəli.

✱

✱

از جوانی نیست غیر از آه و حسرت در دلم
نقش پائی چند از این طاووس زرین بال ماند.
گنجلیکدن قالمامیش کؤنلومده حسرتدن سووای
وار ناخیشلی طاووسون یالنیز آیاغیندان ایزی.

Gənclikdən qalmamış könlümdə həsrətdən suvay
Var naxışlı tavusun yalnız ayağından izi.

✱

روح بیجا از شکست جسم میلرزد ز خویش
پسته چون از پوست می آید برون در شکر است.
یئرسیز یئره جان تیتره ییری جسم سینارکن
پسته شکر ایله قاتیشار چیخسا قابیقدان.

Yersiz yerə can titrəyiri cism sınarkən
Püstə şəkər ilə qatışar çıxsə qabıqdan.

✱

امیدوار چنانم که عشق زخم مرا
رفو برشته آن زلف مشکفام کند.
اومودوم واردی سونوندا اوره گیم پاره سینی
عنبرین ساچلار ایلن سئوگی رفو ائيله یه جک.

Umdum vardı sonunda ürəgim parəsini
Ənbərin saçlar ilə sevgi rüfə eyləyəcək.

✱

✱

دندان ما زخوردن نعمت تمام ریخت
اندوه روزی از دل ما کم نمی شود.

آغزیمیزدا قالمادی نعمت یشمکدن بیرجه دیش
روزونون دردیی اوره کدن آسکیک اولماق بیلمه یر.

Ağzımızda qalmadı ne'mət yeməkdən bircə diş
Ruzunun dərdi ürəkdən əskik olmaq bilmədi.

✱

از لال هر انگشت زبانیست سخنگوی
یک در چو شود بسته گشایند دری چند.

هر بار ماغی لالین قونوشان بیر دیله بنزر
باغلی ایسه اگر بیر قاپی چوخلاری آچیق دیر.

Hər barmağı lalın qonuşan bir dilə bənzər
Bağlı isə əgər bir qapı çoxları açıqdır.

✱

از تیر آه مظلوم ظالم امان نیابد

پیش از نشانه خیزد از دل فغان کمان را.

ظالمله یوخ مظلومون تیر فغانیندان امان

اوخ نشانه دیمه میش قالخار کمانین ناله سی.

Zalimə yox məzlumun tiri fəğanından əman
Ox nişanə dəyməmiş qalxar kəmanın naləsi.

✱

✱

گفتگوی کفرودین آخر به یکجا میرسد

خواب یک خواب است و باشد مختلف تعبیرها.

کفر ایله دین سؤزو آن سوندا چاتار بیر مقاما

گؤرولن بیر یوخودور واردی دگیشیک یوزمالاری.

Küfr ilə din sözü ən sonda çatır bir məqama
Grülən bir yuxudur var dəyişik yozmaları.

✱

گر بخاطر آورد فرهاد صد نقش غریب

تیسه چون برسنگ زد شیرین مصور میشود.

یوزلرجه یابانجی ناخیشی دویسا دا فرهاد

شیرین یوناجاق گر توخونا تیسه سی داشه.

Yüzlərcə yabancı naxışı duysa da Fərhad
Şirin yonacaq gər toxuna tişəsi daşə.

✱

چشمی که فروغ از دل بیدار ندارد

شمعیست که شایسته بالین مزار است.

اول گؤز کی ایشیق آیدین اوره کدن آلابیلمز

یالنیز مزار اوسته ایشاران شمعی خاطیرلار.

Ol göz ki ışıq aydın ürəkdən alabilməz
Yalnız məzər üstə işaran şəmi xatırlar.

✱

✱

زشت در سلک نکویان مینماید زشتتر
پای طاووس از پر طاووس رسوا میشود.
چرکین آرتیق اولو چیرکین اولا گؤیچک لر آرا
طاووسون پرلری دیر رسوا ایاغین ائله ین.

Çrkin artıq olu çirkin ola göyçəklər ara
Tavusun pərləridir rüsva ayağın eləyən.

✱

چند بتوان ساخت موی خویش چون قیر از خضاب
چون نمی گردد جوان دل این سیه کاری چه سود.
نه قدر یاخمالیسان آغ ساجینا قاره خضاب
اورک اولماز سا جوان یوخ بو قارا ایشده ثواب.

Nə qədər yaxmalısın ağ saçına qarə xəzab
Ürək olmazsa cəvan yox bu qara işdə səvab.

✱

عبث مرغ چمن برآب و آتش میزند خود را
گل بی شرم از آغوش خس بیرون نمی آید.
یئرسیز یئره بلبل یاخیری اودلارا جانین
گیرمیش تیکانین قوینونا گل آیرلا بیلمز.

Yersiz yerə bülbül yaxırı odlara canın
Girmiş tikanın qoynuna gül ayrılabilməz.

✱

✱

دهن خویش به دشنام میلا هرگز
کین زر قلب به هرکس که دهی باز دهد.
بولاما آغزینی عالمدہ سؤیوش وئرمه گیلن
قایتارار هرکیمه وئرسن بو قاییرما قیزیلی.

Bulama ağzını aləmdə söyüş verməgilən
Qaytarar hər kimə versən bu qayıрма qızılı.

✱

غافل کند از کوتاهی عمر شکایت
شب در نظر مردم بیدار بلند است.
غافیلین وار عؤمرون قیسالیغیندان گیلشی
یاتمایانلارا گلینجه چوخ اوزوندور گنجہ لر.

Ğafilin var ömrün qısalığından gileyi
Yatmayanlara gəlincə çox uzundur gecələr.

✱

اگر از اهل دلی باش در سفر دائم
که نقطه از حرکت صد کتاب گردیدست.
اهل حال ایسن اگر ائيله سیاحت دائم
نقطه ترپنمک ایله یوز کتابا چئوریلدی.

Əhli hal isən əgər eylə səyahət daim
Nöqtə tərpenmək ilə yüz kitaba çevrildi.

✱

*

عشق یکسان ناز درویش و توانگر میکشد
این ترازو سنگ و گوهر را برابر میکشد.
عشق عینله چکر شاه و گداین نازینی
بو ترازوده داش ایلن گهره بیر چکی وار.

Eşq eynilə çəkər şah o gədanın nazını
Bu tərəzudə daş ilən göhərə bir çəki var.

*

هیچ قفلی زکلید دگری وانشود
هر زبان گوشى و هر گوش زبانی دارد.
دگیشیک اولسا آچارین آچامازسان قفلی
هر سؤزون اؤز قولاغی هر قولاغین اؤز سؤزو وار.

Dəğişik olsa açarın açamazsan qıfılı
Hər sözün öz qulağı hər qulağın öz sözü var.

*

جوان را صحبت پیران حصار عافیت باشد
بنحاک و خون نشیند تیر چون دور از کمان گردد.
قورویار قلعه کیمی گنجی قوجانین اؤیودو
اوخ اوزاق گئتسه یابیندان قارا توپراغه دوشر.

Qoruyar qələ kimi gənci qocanın öyüdü
Ox uzaq getse yayından qara toprağə düşər.

*

*

پاک کن از غیبت مردم دهان خویش را
ایکه از مسواک مردم میکنی ندان سفید.
سن کی مردم قیلیسان دیشلری میسواک ایله آغ
نه اوچون غیبت ایله آغزینی ناپاک اندیسن ؟

Sən ki hərdəm qılısan dişləri misvak ilə ağ
Nə üçün geybət ilə ağzını napak edisən ?

*

نمی توان غم دل را بخنده بیرون کرد
ز خنده روئی گل تلخی از گلاب نرفت.
گولوش ائتمز اوره گین درد و غمین جاندان ایراق
گول گولر اوزله گلایین آلابیلمز آجیسین.

Gülüş etməz ürəgin dərdü gəmin candan iraq
Gül gülər üzle güləbin alabilməz acısın.

*

دل چو ذوق بیخودی دریافت خصم جان شود
بر زمین ساکن نگرده طفل چون دامن شناخت.
نه دیر عارسیزلیق اگر دادسا کؤنول جانی یاخار
یئرده دورماز گر اوشاق اولسا قوجاق ایله تانیش.

Nədir arsızlıq əgər dadsa könül canı yaxar
Yerdə durmaz gər uşaq olsa qucaq ilə tanış.

*

✱

ز درد و داغ محبت مگو به مرده دلان

تنور سرد سزاوار بستن نان نیست.

آلوو سؤنموشه آچما یانار عشقین غمینی

پیشیره نمز چۆره گی تندیر اگر اولسا سویوق.

Alovu sönmüşə açma yanar eşqin ğemini

Pişirənməz çörəgi təndir əgər olsa soyuq.

✱

چونی هراڤکه بست کمر در طریق عشق

کام از نوا گرفت اگر پر شکر نشد.

هرکیم نی اولوب باغلا دی بئل عشق یولوندا

شکر وئره بیلمزسه ده کام آلدی نوادن.

Hər kim ney olub bağladı bel eşq yolunda

Şəkkər verəbilməzsə də kam aldı nəvadən.

✱

از خجالت نتواند سر خود بالا کرد

عمر هرکس چو قلم صرف بگفتار شود.

اوتانیب قالدیرا بیلمز یوخاریه باشینی

عومرونو کیم کی قلم تک دانیشیقل گئچیره.

Utanıb qaldırabilməz yuxariyə başını

Ömrünü kim ki qələm tək danışığıla geçirə.

✱

✱

پیش از آن کین دل صد پاره پریشان گردد

فکر شیرازه زموی کمری باید کرد.

پاره پاره بو کؤنول آرتیق پریشان اولمامیش

رشته یه زلف نگارایلن صحاف اولسون گرک.

Parə parə bu könül artıq pərişan olmamış

Riştəyə zülfi nigarilən səhaf olsun gərək.

✱

ره صلاح بدست آر در جوانی ها

که پیش پا به چراغ مزار نتوان دید.

گنج ایکن خیر و صلاحین یولونا قوی قدمین

یوخسا گؤز شمع مزار ایله گؤرنمز اؤنونو.

Gənc ikən xeyrü səlahın yoluna qoy qədəmin

Yoxsa göz şəmi məzarilə görənməz önünü.

✱

زبان شکوه ما نیست شمع هر مجلس

چو سنگ آتش ما در جگر نهان باشد.

دیله گلمز گیلئی شمع کیمی یانسا اوره ک

داش کیمی اؤز اودونو گیزلی توتار باغریندا.

Dilə gəlməz gileyi şəm kimi yansa ürək

Daş kimi öz odunu gizli tutar bağrında.

✱

✱

بهره خواهی ز اسباب بجز محنت نیست
عرق از بار گران قسمت حمال شود.
مال و دولتدن اولان وارلییا پای محتدیر
شله اولدوقجا آغیر حمبالا قیسمت تردیر.

Malü döletdən olan varlıya pay möhnətdir
Şələ olduqca ağır həmbala qismət tədir.

✱

مبند دل بجگر گوشه چون رسد بکمال
که خون چو مشک شود در ختن نمی ماند.
چوخ دا بئل باغلاما ائولادینا چاتسا کمالا
قان دؤنوب مشک اولالی ترک ختن قیلمالیدیر.

Çox da bel bağlama evladına çatsa kəmalə
Qan dönüb müşg olalı tərki xöten qılmalıdır.

✱

سرایت می کند در ظالمان آزار مظلومان
که فریاد از دل سخت کمان بیش از نشان خیزد.
مظلومون چکدیگی غم ظالیمی ده درده سالار
اوره گی برک یابین آهی نشانندان چوخ اولار.

Məzlumun çəkdiyi gəm zalimi də dərde salar
Üregi bərk yayın ahı nişandan çox olar.

✱

✱

درنگیرد صحبت پیر و جوان با یکدیگر
با کمان یکدم مدارا تیر نتوانست کرد.
بیر بیریله سؤزو توتماز جوان ایله قوجانین
هارددا گؤردون تاپالار یای ایله اوخ بیر بیرینی.

Bir birilə sözü tutmaz cəvan ilə qocanın
Harda gördün tapalar yay ilə ox bir birini.

✱

قناعت کن کزین گلشن بیوئی هرکه قانع شد
چو زنبور عسل کاشانه اش پرنوش میگردد.
آری تک کیم کی قناعت ائده گولدن قوخویا
باغ عالمده اولار منزلی شهد ایله دولو.

Arı tək kim ki qənaət edə güldən qoxuya
Bağı aləmdə olar mənzili şəhd ilə dolu.

✱

فهرست کتاب

کتابین ایچینده کیلر

Kitabın içindäkiler

مقدمه / اؤن سؤز.....	3
Ön söz.....	3
تک بیتیه‌ای برگزیده صائب / صائب ین سئچیلیمیش بیتلری.....	12
Saibin seçilmiş beytleri.....	12



تبریز، اول خیابان طالقانی، جنب داروخانه رازی
تلفن: ۰۹۱۱ ۴۱۶ ۶۸۹۷ و ۰۴۱۱-۵۵۳۰۱۷۶